



INSTITUT ZA RAZVOJ MLADIH KULT

Ul. 4. viteške brigade 34-36 BA, 71210 Ilidža, Sarajevo

E-mail: kult@mladi.org

Tel.: 033 778 778; fax: 033 778779

Web: www.mladi.org

✚ MEĐUNARODNI DAN MLADIH, A GDJE SU MLADI?

„Na mladima svijet ostaje.” „Mladi predstavljaju našu budućnost.” Ove ili slične izjave smo mogli čuti bezbroj puta. Nažalost, na ovim se riječima sve završi. I onda opet sve ispočetka. Kada ste mlada osoba koja živi u Bosni i Hercegovini, državi u kojoj je stopa nezaposlenosti mladih preko 60%, a stopa nezainteresiranih, neinformiranih, možda čak i veća, znate da imate dvije mogućnosti: otići iz BiH, kao 78% mladih koji bi to također željeli, ili ostati, tražiti znanje i kompetencije van formalnog sistema obrazovanja, proširiti svoje vidike i boriti se za promjene.

Često predstavljamo mlade kao okosnicu društva i napretka u svim segmentima. Međutim, ukoliko sagledamo generalno stanje u državi uvidjet ćemo da vrlo malo mladih ima priliku izraziti svoje stavove, provesti neku svoju inicijativu, doprinijeti promjenama. Političko učešće mladih je oduvijek žustra tema, pogotovo ukoliko sagledamo trenutnu političku situaciju naših prostora. Političari vrlo često odstupaju od stavova koje su predstavljali u izbornim kampanjama i to dovodi do konfuzije u društvu i iskrivljene slike o pravima i obavezama ljudi koje biramo u različita državna tijela, kao i njihove obaveze prema biračima koji su glasali. Sve to doprinosi pasivnosti mladih za učešćem u politici. Mladi su često loše informirani o političkim dešavanjima.

Nastavak teksta možete pročitati na www.mladi.org.

✚ INSTITUT UŠAO U SELEKCIJU 254 FILMA IZ 71 ZEMLJE SVIJETA

UN-ova Alijansa civilizacija (UNAOC) u saradnji s Međunarodnom organizacijom za migracije (IOM) svake godine na svjetskom nivou organizira video takmičenje za mlade **PLURAL +**. Prepoznavajući ih kao snažno sredstvo društvene promjene u svijetu PLURAL+ poziva mlade na rješavanje ključnih izazova koji se odnose na integraciju migranata, društvenu uključenost mladih, identitete, različitosti i ljudska prava, kako na lokalnom tako i na globalnom nivou.

Za učešće na takmičenju pojedinci i nevladine organizacije dostavljaju kratke video uratke o navedenim temama. Za ovogodišnje takmičenje sa videom o obuci Uči, misli i djeluj! prijavili su se i predstavnici/e Instituta za razvoj mladih KULT koji su radili na ovom videu. Kao jedini predstavnici iz BiH i susjednih zemalja ušli smo u selekciju od 254 filma iz 71 zemlje svijeta, i s nestrpljenjem očekujemo rezultate žirija.

Odluka o pobjednicima će biti poznata krajem augusta ili početkom septembra.

Film o UMiD- možete pogledati na www.mladi.org.

✚ IZAŠAO NOVI BROJ ČASOPISA IUVENTA!

Izašao je novi broj časopisa o radu s mladima IUVENTA o temi *Finansiranje*. U novom broju možete pročitati stručni tekst o 10 načina kako razgovarati s donatorom, istraživanje kako su se trošila budžetska sredstva namijenjena mladima, priče o uspješnim mladima iz BiH, omladinskim udruženjima koja aktivno rade na rješavanju problema u svojim lokalnim zajednicama, kao i mnoge druge zanimljive tekstove za koje smo sigurni kako će vas inspirirati i ukazati na trenutnu situaciju kada je financiranje mladih u pitanju.

✚ REFORME USTAVA, GENDER PERSPEKTIVA I ZAGOVARANJE ZA PROMJENE

Reforma ustava jedna je od naprisutnijih tema posljednjih nekoliko godina kako u političkim, tako i krugovima nevladinog društva u Bosni i Hercegovini.

Predstavnic/i nevladinog sektora intenzivno su uključeni u prijedloge reforme Ustava BiH i njihove inicijative obuhvataju razne prijedloge, od principa do amandmana na pojedine dijelove Ustava, pa sve do potpuno novog teksta Ustava.

O ovoj temi govorilo se i na seminaru *Ustavne reforme i gender perspektiva u BiH i Evropskoj praksi*.



Seminar je održan u periodu tokom augusta 2013. godine u okviru projekta *Jednake mogućnosti za žene i muškarce u politici*, a u organizaciji TPO Fondacije iz Sarajeva.

✚ INSTITUT POSJETIO MLADE U TOMISLAVGRADU I GLAMOČU

Institut za razvoj mladih KULT je tokom augusta 2013. g. posjetio omladinske lidere/ice u Tomislavgradu i Glamoču. Sastanku u Tomislavgradu prisustvovali su službenik za mlade gosp. Luka Krstanović i omladinski lider Stipe Višić.

Cilj ovog sastanka bio je dogovor u vezi narednih aktivnosti mladih u Tomislavgradu, u okviru inicijative Općine naklonjene mladima u saradnji mladih i lokalnih vlasti. Mladi će u narednom periodu raditi na lokalnoj građanskoj inicijativi, te na saradnji s pomlacima političkih stranaka uz pomoć kojih će donijeti određenu inicijativu za poboljšanje položaja mladih.

Institut će mladima nastaviti pružati savjetodavnu podršku tokom procesa realiziranja njihovih inicijativa.

